

琉球民族独立総合研究学会 設立趣意書

親とう爺た一、またうぬ前ぬ代から、琉球ぬ島々んかい生まれ、生ズうでい来スタ一、琉球ぬ人ぬきや一(ばんた一)や、「琉球民族」ていあズいいです。んきや一(500年前ばかズ)、ポルトガル(うりや一ウランダぬ国ぬびてい一)人ぬトメ・ピレスが書キスタ一『東方諸国記』ていぬ書物んな、「琉球民族」やレケオ人、ゴレス人ていあズい、「ういた一人一ば一だまさん、一人一ば一買一ん、人間ぬ命つあ、みや一くとうまい代いらいん。琉球ぬ人ぬきや一や、同志ぬ命つう、守スう為んな、どうが命とう同にや一ん、いぬつつ賭き一争う」ていどう書かいう一さい。また、琉球やびてい一つぬ国どうや一た一ば、『歴代宝案』ん書かいう一にや一ん、南洋ぬ国々とう取り持ち付き合いぬあズうた一ていぬくとう。19世紀半ば過ぎんな、ウランダぬ国々とうまい、ぞう取り持ち付き合いぬ為ん、「条約」ていぬ文ゆ交換しうズうた一。

んなまぬ琉球ぬ島々んな「琉球民族」ぬうズうや当然、ういから、日本国んまい世界ぬ国々んまい、琉球民族ぬきや一やう一でいす。あんちぬば一や一ばとう、5年んかい一度、「世界のウチナンチュ大会」ぬ沖縄ん催さい、2011年んな5回目ゆ数いゆ。6回目ぬ2012年んなブラジルぬ国んう一ていまい「第1回世界若者ウチナンチュ大会」ぬ催さいた一。琉球民族う、移民先んう一ていまい生まれ島ぬくとう忘すき一うらいんにばとう、琉球ぬ習一すとう言葉を残し続かし一う一為み、琉球民族ぬ習一すとう言葉んかい誇りう持ち根を張り一続かし一う一た一ばとう、世界中ぬ琉球民族ぬ網むつふい一きस्ता一。

うぬ他んな、1609年ぬ薩摩侵攻ゆ始みんつし一、1879年ぬ日本から為らいた一どう勝手な琉球併合から、現在がみ琉球や、日本と米国からうさいらり一うズ。うぬ状態ゆどう「植民地」ていあス。琉球民族う、国家ぬにや一ん民族(stateless nation)、日本ぬ中んな少数民族(minority nation)んなり、日米両政府からまい多数派ぬ日本人・アメリカ人からまい、うさいらり一差別、搾取、支配ぬ対象んなりきस्ता一。くぬくた一、例いゆあぎつか一、①1945年んな琉球ぬ地ゆ、日本んな太平洋戦争ぬ戦場んかい為し、日本ゆ守ス為ぬ盾に為しらいた一くとう(=捨て石)、②1952年な、どうが国ぬ主権回復ぬためてい、琉球を質種んかいつす一た一くとう、米国軍政府からぬ戦後27年間ぬうさいらり一う一た一時代、③1972年ぬ、「いわゆる」日本「復帰」(=日米ぬ密約を伴う琉球再併合)ぬ後まい、日米ぬどう一勝手ん相談し一、「日本国土」ぬ0.6%ぬ琉球に米軍基地ぬ74%を押し付きていうズくとうぬきや一から、明らかたら。んな一づあぎつか、現在進行形ぬ出来事や一ば、1997年、米軍用地特別措置法改定つし一、琉球ぬ土地を強奪つざし一、ういから、全42議会ぬ反対決議、知事や全市町村長、琉球民族一人一人ぬきや一ぬ反対ぬありゆ一んにまい関係にや一んてい、2012年、日米やどう勝手んMV22オスプレイゆ琉

球んかい強行配備しゅうズ。ういまい、また明らん琉球差別だら。また植民地支配だら。

日本人んな、琉球ゆ犠牲んっし、「日本の平和と繁栄」をくぬ先まい受き一行かっていどうズ。うぬままーし置つか、ばんたー琉球民族や、くぬ先まい子孫末代まで「みるく世」ぬ果報ゆ承きくとうならんまましー、戦争んかいまきまいしゆわゆっしー続きたかならん。また、日本企業、日本人植民者ぬきやーぬ経済支配ぬびソがり、日本政府ぬつふたー振興開発計画ぬ為らいたみん、琉球ぬ環境ややぶらい、民族文化んかいぬ同化政策ぬたみん、精神がみ植民地性ぬ入ザっていうズ。うりや奴隷的境涯やあらんな。

琉球民族やむとうむとう、独自ぬネーション(nation、peoples、民族、人民)どうやーだら。うりやー、国際法んかい保障しらいうー「人民ぬ自己決定権」を使うくとうぬ成ズ「法的主体」ていぬむぬつぎ。琉球ぬ地位や将来を決みらいむのー、琉球民族だきだら。琉球民族う、独自ぬ土地権、資源権、生存権、環境権、発展権、民族自治権、内政権、外交権、教育権、言語権等ぬ集団的人権を持ちう民族ていだら。琉球や日本からぱなり立ちー、ぜーんぶぬ軍事基地ゆどうかし、新たん成ズたー琉球ぬ、世界中ぬ国々とう地域、民族とう友好関係ゆ重に、琉球民族ぬ長一なが望みゆうたー平和とう尋み希みうズ島う、どうたが手しつふあだかーならん。

琉球民族ぬ独立を目指し、琉球民族独立総合研究学会ゆ設きてい。くぬ学会ぬ会員な琉球ぬ島々んかい先祖を持つ琉球民族んかい限定すうーでい。こぬ学会や、「琉球民族ぬ琉球民族ぬ回す琉球民族ぬたみぬ学会」どうやーば。

くぬ学会や学際的な物ぬ観点から琉球独立んかいに関ス研究ゆつすがまた。学会ぬ担のう人んなズむのおー、琉球ぬ独立をしみて思いうー、ぜーんぶぬ琉球民族だら。学問な一部ぬ学者ぬきやーんかい限定つすむのおあらん。琉球民族てい生まれたーばんたが、目ぬ前ん見いらいゆ植民主義ぬ問題ゆ強く考い、うりゆ解決つすたみぬ「思想」[思想ていぬくとばーみやーくんなにやーんすが、んなまから「外来語」を入じたかー世ぬ中ぬくたー語らいん]や方法ゆ考い、言葉う交しがーゆまいっしー、しざっさいんっしみーながらんどう学問な生まれ、深一ふかなり、琉球民族ぬ真ん解き放なさズていどぬむぬだら。

琉球ぬ独立ぬ叶スぬが、叶ーんぬが、あんちぬくとう躊躇うてやうらいん。琉球ぬ独立っ前提んっしー、琉球ぬ独立ん関ズ研究、寄り合い話すっ合いゆつす。独立う成し叶スタみんな、何が入り用がら、世界ぬ植民地んうーていぬ独立ぬ道筋、独立ぬ前とう後ぬ、銭金方策、国ぬ仕事・役場ぬ仕事・国とう国とうぬ御取り合ズゆばのうすうでいが、琉球民族ぬかい関ズ「概念規定」(他ぬ国々んかい知さず為ぬ意味づき)と民族ぬ変らんむぬとうか理想、琉球諸語ゆゆみがいらすくとうと言葉ぬ権利ぬ元んかい倒らすくとう、あーぐとうかぶどうズ、肝ぬなかんあズんきやーんからぬ習す(アイデンティティ)、墨

がくむん せぬちんうーていぬ びきどらん みどらん かかー 男 と 女 ぬ 係 ズ方(ジェンダー)、ようむぬ のう す 弱者んかいや何ゆ為うだかーならんが、のやも のう す 野山う何し為うだかーならんが、ぴーつつあぬ弱者んかいぬ びだ 隔てやーにやーんよーん、うやき、こうむぬぬ問題、うきズなーんうズ大和ぷりむぬぬ問題ぬきやー、琉球独立んかい関ズいるんな ほうみん 方面からぬ考いゆまとうみたー すすがくもm ゆ あー ばな 研究、寄り合い話しー、うりゆうっしゆうていー じんぎん 人間ぬ育つようんっすうがまた。

ういから、くぬ学会や琉球とう似にやーん独立を目指しーうズ地域等や、独立国なズたー国等ぬ人ぬきやーとうまい研究ぬ成果ゆば交し じゆ あー ばな 寄り合い話うすうだかーならん。琉球独立ぬたみぬ世界的ん網を繋ぎいきズがまた。学会ぬ研究成果を踏まいー、国連ぬ各種委員会、国際会議んかい参加し、琉球独立ぬたみんせぬちんかい、訴い びすう 広ぎ運動ゆまいすっすくとう。

ヤマトウとアメリカから「奴隷」とうどうにやーん じゆ く 追い込まいー琉球民族や、どうたが国をつふことしー、 じんぎん 人間としてぬ「尊厳」、島や海や空、子孫、先祖ぬ たます 魂 っ守らだかーならん。新たん琉球ていあズ国をつふ途中ん予想しらいうー日本政府、日本人、「同化」しらいうー琉球民族、いるんな かくもんゆっしゆうむぬぬきやー 研究者 等 とうぬ議論んかい勝つためぬ「理論」ゆ磨スタみんまい、「琉球民族独立総合研究学会」ぬ求めらいーうー時期やーんなまだら。

ばんたー「国際人権規約共通第一条」に書かいう「人民ぬ自己決定権」ゆ基ん、琉球独立ていぬ本来ぬ「政治的地位」を實現つことうを目指しー、「市民的及び政治的権利に関する国際規約」ぬ第 18 条「思想、良心及び宗教ぬ自由」、第 19 条「表現ぬ自由」、ういから第 27 条「少数民族ぬ権利」んかい じゆ 掘りー、琉球独立んかい関ズ すすがくむん 研究 ゆ琉球民族ていっしーまいんかい行かでい。

琉球ぬ歴史うーてい、ばずみていつふあいたー「琉球独立」ん関ズ学会ぬ動キズんゆりー、琉球民族ゆ、「植民地」という「苦世(にがゆー)」から脱し、独自ぬ民族として平和・自由・平等に生きることが出来る「甘世(あまゆー)」ゆぴやーかりー實現つたみん、くぬ学会を設き、琉球ぬ「独立」っう目指すくるう じゆ 持ちゆうー、全ていぬ琉球民族んかい参加ゆばー声ゆ掛きでい。

癸巳四月六日(2013 年 5 月 15 日)琉球ぬ独立をとうみたみん、きズもー新たんっしゆう。

凡例

- ① 舌音は、カタカナ表記した。宮古方言の大きな、特徴は中舌音が特徴である。
- ② M 音は、「ん」と表記した。

発起人

赤嶺 善雄	松田 正二	平良 修
赤嶺 ゆかり	松田 トヨ	高良 勉
新垣 誠	松島 泰勝	高良 沙哉
新垣 重雄	まよなかしんや	ペルシー 多嘉山
新川 明	宮城 和宏	玉城 毅
安良城 米子	宮城=内海 恵美子	玉城 福子
知花 愛実	宮里 護佐丸	照屋 みどり
知念 ウシ	本村 紀夫	友知 政樹
宜志 政光	宮城 善光	渡名喜 守太
比嘉 豊光	新元 博文	桃原 一彦
外間 三枝子	野村 浩也	上原 成信
池原 順子	大嶺 隆	Mitzi Uehara Carter
稲福 日出夫	大仲 尊	Eric Wada
石垣 金星	大城 慧之	山根 安昇
石原 昌英	大城 尚子	山城 莉乃
兼城 淳子	大田 昌秀	與那嶺 貞子
勝方=稲福 恵子	親川 志奈子	与那嶺 義雄
金城 一雄	崎原 千尋	(アルファベット順)
金城 正樹	佐喜眞 淳	(2015年7月1日現在)
金城 有紀	島袋 まりあ	
喜屋武 幸容	島袋 マカト 陽子	
町田 宗男	下地 厚	
町田 藤乃	Koji Taira	